

Tuluit oqaasii allamiut oqaasiini sallaherit atuutsinneqariartornissaannut, aammalu danskit oqaasii atuartitsinermit oqaatsit pinngitsooranilu atuartitsissutissat atorunnaarsinneqariartornissaannut Naalakkersuisut Iliuusissanik pilersaarusiornissamut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Jens NapâtôK', Naleraq)

Akissuteqaat

(Ilinniartitaanermit, Kultureqarnermit, Timersornermit Ilageeqarnermullu Naalakkersuisoq)

Aappassaaneerinnineq

Naalakkersuisut ataatsimiititaliaq siunnersuummik suliaqarsimanerannut qujassuteqarfigaat maluginiarlugulu annertuumik politikikkut tapersorneqarnera, kiisalu allannguutissat siunnersuummik ataatsimiititaliap isumaqatigiissup innersuussuteqarnera.

Kalaallit oqaasiisa inuiaqatigiinni attanneqarluni ataatsimoorussamik pingaartinneqarnerat aamma nunarsuarmioqataajartornitsinni nunat tamat akornanni piumasaqaatit naapertorlugit tuluit oqaasiisa meeqqat atuarfiani nukittorsarneqarnissaat Naalakkersuisut akuersaarpaat.

Naalakkersuisut maluginiarpaat tuluit oqaasiisa ilinniartitaanermit inuiaqatigiinnilu inissisimanerat ersarissigaluttuinnartoq, peqatigisaanillu maluginiarlugu ilitsoqqussaralugu oqaatsinik atuilluarsinnaanermit allamiut oqaasiinik ilikkagaqarnissamut tunngaviliilluartartuusoq.

Iliuusissatut pilersaarummik suliaqarnermit fagitigut aaqquussinerit, tiimit amerlassusaat, ilinniasiat ilinniartitsissutit, ilinniartitsisut piginnaasaat aammalu atuartitsinerup ineriartortinneqarnera ilanngunneqassapput, tamannalu pissaaq soqutigisallit attuumassuteqartut peqataatinnerisigut. Naalakkersuisut isumaqatigaat, fagip danskisut atuarnep atunnera allanngortinneqassappat, tamanna politikikkut apeqqutaasoq itinerusumik eqqartorneqartariaqartoq, tamatumunnga ilanngullugu piffissami aggersumi meeqqat atuarfiat pillugu inatsisip nutarterneqarnissaa.

Naalakkersuisut erseqqissaatigaat, allannguisoqassappat tamanna naafferartumik akisussaassuseqartumillu pissamat, ilisimasallit innersuussutaat naapertorlugit, tamatumunnga Oqaasileriffimmiit oqaasiliortullu immikkut ilisimasalinniit ilanngullugit.

Naalakkersuisut allannguutissatut siunnersuutaat Ataatsimiititaliap akuerisassanngorlugu isumaqatigiissutigisimagaat Naalakkersuisut maluginiarpaat.

Naalakkersuisut taamatut oqaaseqarlutik allannguutissatut siunnersuut akuerisassanngortippaat.